

四庫全書

集部

欽定四庫全書

集部
宋詩鈔卷六十三
四

詳校官中書_臣賈鏊

主事銜_臣徐以坤復勘

總校官編修_臣王燕緒

校對官中書_臣劉源溥

謄錄監生_臣鄭家屏

欽定四庫全書

宋詩鈔卷六十三

內閣中書舍人吳之振編

范成大石湖詩鈔

元曰

老來百味絮沾泥期會關身尚火馳
幾夜鄉心歌枕處今年脚力上樓時
酒缸幸有乾坤大丹鼎何憂日月遲
莫道神仙無可學學仙猶勝簿書癡

體中不佳偶書

生平人比似維摩試比甦孱不啻過舊摘衰髯今雪徧
頻揩病眼轉花多從來世味聊復爾此去官身如老何
收拾頽齡如藥餌尚堪風月對婆娑

坐嘯齋書懷

老來窮苦事相違兀坐鈴齋竟日癡眼目昏緣多押字
胸襟俗為少吟詩月侵燈影吏方去春遍梅梢官未知
直待食新方紱帶明朝馬騎問陵陂

文書煙海困沉浮不覺盤跚百病侵偶問客年驚我老
忽聞鶯語歎春深今朝麥粒黃堪麪幾日秧田綠似針
除却一犁春雨足眼前無物可關心

曉起信筆

午枕汗如洗曉櫺氣梢蘇莎蛩試風露滿意鳴相呼倦
客感節物流光不躊躇秋聲已如許殘暑何足驅人言
今歲熱迫與常歲殊此理恐未然豈不知頭顱年年有
三伏日日非故吾婆婆今尚可後當彌不如病骨須一

涼未暇惜居諸坐來有清思西風搖井梧

重九賞心亭登高

憶隨書劔此徘徊投老雙旌重把杯綠鬢風前無幾在
黃花雨後不多開豐年江隴青黃徧落日淮山紫翠來
飲罷此身猶是客鄉心却附晚潮回

春晚

荒園蕭瑟嬾追隨舞燕啼鶯各自私窓下日長多得睡
樽前花老不供詩吾衰久矣雙蓬鬢歸去來兮一釣絲

想見籬東春漲動小舟無伴柳絲垂

重九獨坐玉麟堂

江上西風動所思又將清賞負東籬年年客路黃花酒
日日鄉心白鴈詩籠月秦淮無舊曲馳煙鍾阜有新移
人生笑口真稀闊况值官忙閔雨時

公退書懷

昨者騰章奏發倉今茲飛檄議驅蝗四無告者僅一飽
七不堪中仍百忙數日自能臨俯仰浮雲寧解制行藏

求田問舍亦何有歲晚倦遊思故鄉

癸卯除夜聊復爾齋偶題

五夜燈花重東風角韻來雪慳衣未續春作句多梅寂
歷羅門亞溫磨藥鼎煨老嫌新歲換病喜舊星回鬱壘
先題板屠蘇後把杯書扉無健筆爆竹有寒灰餽標牙
難膠椒盤眼倦開陳人仍僊卧身世兩悠哉

甲辰人日病中吟六言六首以自嘲

攢眉輒作山字歌耳惟聞水聲人應見憐久病我偏自

厭餘生

目慌慌蟻旋磨頭岑岑鼇負山筆牀久已均伏藥鼎何時可閒

政爾榮枯衛蒧剛云人厄天窮歸咎四衝臨歲乞將九曜過宮

復吉既愆七日泰來惟俟三陽厯日今頒寅正占星更候農祥

有日猶嫌開牖無風不敢下簾報國丹心何似夢中抵

掌掀髯

壯歲喜新節物老來惜舊年華病後都盧不問家人時

換瓶花

上元紀吳下節物排諧體三十二韻

斗野豐年屢吳臺樂事并酒壚先疊鼓

歲後即旗亭先擊鼓不已以迎

節意燈市蚤投瓊

臘月即有燈市珍奇者數人醵買之相與呼盧采勝者得燈

價喜膏

油賤祥占雨雪晴篋簪仙子洞

坊巷燈以連枝竹縛成洞門多處數十里

茁

菖化人城

蓮花燈最多

檣炬疑龍見

舟人接竹危檣之表置一燈望之如星

橋

星訝鵲成

燈橋

小家厖獨踞

燈犬

高閑鹿雙撐

燈鹿

屏展輝雲

母

琉璃屏風

簾垂晃水精

琉璃簾

萬窓花眼密

萬眼燈以辟羅紅白相間砌成

工夫妙天下多至萬眼

千隙玉虹明

琉璃毡燈每一隙映成一花亦妙天下

蒼葡萄丹

房桂

燈梔子

葡萄綠蔓縈

葡萄燈

方練緇史冊

生絹糊方燈畫史冊故事

圖人喜觀者

圓魄綴門衡

燈月

擲燭騰空穩

小毡燈時擲空中

推毡裘

地輕

大袞燈

映光魚隱見

琉璃壺瓶貯水養魚以燈映之

轉影騎縱橫

騎馬

燈

輕薄行歌過顛狂社舞呈

民間鼓樂謂之社火不可悉記大抵以滑稽取笑

村田蓑笠野

村田樂

街市管絃清

街市細樂

里巷分題句

每里門作

花燈題好

官曹別扁名

官府名額多以絹或琉璃映照

旱船遙似泛

夾道

陸行為競渡之樂謂之划旱船

水傀儡如生

水戲照以燈

鉗赭裝牢戶

蘇燈

咍繪樂棚

山棚多畫一時可嘲誚之人

堵觀瑤席隘喝道綺叢爭禁

鑰通三鼓歸鞭任五更桑蠶春繭勸

春繭自臘月即入食次所以為蠶事

之花蝶夜蛾迎

大白蛾花無貴賤悉戴之亦以迎春物也

鳧子描丹筆

紅畫鴨子

相餽

鵝毛剪雪英

剪鵝毛為雪花并夜蛾並戴

寶糖珍粬粒

鋌指吳中謂之

寶糖粬特為脆美

烏膩美餚錫

烏膩糖即白錫俗言能去烏膩

撚粉團藥意

子欄

熬糗臍膊聲

炒糯穀以卜俗名字

筵筭巫志怪香火婢

婁北人號糯米花

輸誠

俗謂正月百草露故帚
葦針箕之屬皆卜焉

筭卜拖裙驗

散筭繫
裙以卜

箕詩

落筆驚

即古紫姑今
謂之大仙

微如針屬尾

以針姑卜伺其尾
相屬為兆名針姑

賤

及葦分莖

葦莖分合為
卜名葦姑

末俗難訶止佳辰且放行此時

紛僕馬有客靜柴荆幸甚歸長缺居然照短檠生涯惟
病骨節物尚鄉情倚捩成排體咨詢逮里毗誰修吳地
志聊以助譏評

曉枕三首

煮湯聽成萬籟添被知是五更陸續滿城鐘動須臾後

巷雞聲

卧聞赤脚鼾息樂哉栩栩遽遽病夫心口相語何日佳
眠似渠

舒慘常隨天氣關心窓暗窓明日晏扶頭未起喚人先
問陰晴

喜雨

昨遣長鬚借踏車小池須水引鳴蛙今朝一雨添新漲
便合翻泥種藕花

風止

收盡狂飈卷盡雲一竿晴日曉光新
柳魂花魄都無恙
依舊商量作好春

重午

慰斗熏籠分夏衣翁身獨比去年衰
已孤菖渌十分勸
却要艾黃千壯醫蜜粽冰糰為誰好
丹符綵索聊自欺
小兒造物亦難料藥裏有時生網絲

積雨作寒五首

壓屋雨雲晝暗環城霖潦夏寒西池半沒荷柄南蕩平
沈芡盤

已報舟浮登岼更憐橋踏平池養成蛙吹無謂掃盡蚊
雷却寄

熨貼重尋毳衲補苴盡護紙窓餘生雪鬢禪榻昨夢雲
帆漲江

婢喜蚊僵霧帳兒嗔蝸篆風櫺兀坐鼻端正白忘懷眼
底常青

山寒禪老不下泥
滑琴僧罕來且喚園丁閒話喜聞湖
岍未頽

題請息齋六言十首

洞門晝挂鐵鎖閣
道秋生綠苔著下畧同龜伏瓜中且
免蠅來

多謝紛紛雲雨相
忌渺渺江湖坐隅但忌占鵬屋上何
煩譽鳥

灑灑年年如馬犬
行日日推車笑中恐有義甫泣裏難

防叔魚

見影蛾猶鈿聞聲厖尚狺狺問誰毛生名紙知我角
出車輪

不惜人扶難拜非關我醉欲眠勞君敬枯木耳恐汝見
濕灰焉

稅駕今吾將老結廬此地不喧恐妨蝴蝶同夢笑債頭
當守門

口邊一任醜去鼻孔慵將涕收閒門冷落車轍空室團

樂話頭

冷暖舊雨今雨是非一波萬波壁不禪枯達磨室中病者維摩

園丁以時白事山客終日相陪竹比平安報到花依次第折來

親戚自有情話來往都無雜言酒熟竟須相報文成聊與細論

富順楊商卿使君鄉與余相別于瀘之合江渺然

再會之期後九年乃訪余吳門則喜可知也今
復分袂更增惓然病中強書數語送之

合江縣下初語離共說再會知何時壽櫟堂前哄一笑
人生聚散真難料青燈話舊語未終船頭疊鼓帆爭風
草草相逢復相送直恐送迎皆夢中昨聞親上安邊奏
玉陛從容移禁漏天香懷袖左魚符歸作雙親千歲壽
我今老病塘蒲衰君歸報政還復來萬里倘容明月共
更期後夢如今夢

初秋閒記園池草木五首

茂葵爛紫初陋蒼
葡萄薦黃亦香醫
俗賸延竹色療愁
催折萱房

牛牽碧蔓自繞雞
聳朱冠欲爭菱葩
可範伯雅蓼節偏
宜麴生

旱地蓮花嬌小水
盆梔子幽芳薇帳
半年春艷桂叢四
季秋香

醉憐金盞齊側卧
看玉簪對橫腥水
留灌茉莉結香旋

薰素馨

玉齒化生稚子碧枝視現聲聞馬齒任藏汞冷鴻頭自
勝硫溫

巖桂三首

風簾疎爽月徘徊悵望家人把酒杯病暑幽窓知幾日
瓶花兩見木樨開

越城芳徑手親栽紅淺黃深次第開不用小山招隱賦
身如強健日千回

月枝蕭索倚宣華東苑香風屬內家丹碧屠蘇銀燭照

平生奇絕象山花

少城詞中惟有一
株四明月桂持奇

藻姪比課五言詩已有意趣老懷甚喜因吟病中

十二首示之可率昆季賡和勝終日飽閒也

舊歲連新歲涼牀又暖牀山川屏裏畫時刻篆中香畏

壘

闕

吾土支離飽太倉若教身更健鶴背入維揚

認鹿紛紜夢已羊散亂心眇昏遮眼讀愁苦撫髭吟幸

覺行迷遠其如卧病深

闕

下何用覓砭針

日暖衣猶襲宵長被有稜朝晡三牒飲昏曉一缸燈伴
坐跏如几扶行瘦比藤生緣堪入畫寂寞想松僧

繩椅扶枵骨蒲團閣悴膚事疑償業債形類窘囚拘空
劫真常體浮生幻化軀箇中元不二無語對文殊

軟熟羞盤饌芳辛實枕幃候晴先晒席占濕預烘衣易
粟雞皮皺難培鶴骨肥頭顱雖若此虛白自生輝

數息增晨清伸眉愜晚晴隙塵浮日影窓穴嘯風聲捫
蝨天機動驅蚊我自生偶然成一笑榻榻暫身輕

貴仕龜鑽筴閒居馬脫鞵冠塵昏舊製帶眼刺新圍堆
案書郵少登門刺字稀揜關灰木坐休示季咸機

目青浮珠珮聲塵籟玉簫秋懷潘鬢禿午夢楚魂銷注
水瓶花醒吹薪鼎藥潮南柯何處是斜日上廊腰

靜裏秋先到閒中晝自長門闌終池柳尸祝漫庚桑腹
已枵經笥身猶試藥方強名今日愈勃率負東牆

汗漬筇杖赤苔封屐齒青有醫延上坐無客抗分廷霽
月鑽窓看鳴禽側枕聽莫嗔猿鶴怨岫幌兩年局

視絮勞羣從祇承愧闔家乳泉供水遞金液養丹芽嘉
釀厚如酪旋春香勝花百端扶老憊無物報投瓜

學業荒呻畢歡悰隔笑鹽入秋先複幕過夏亦疎簾門
客嗔愁思家人獻吉占尤憐小兒女時報鵲鳴簷

灼艾

血忌詳涓日尻神謹避方艾求真伏道穴按古明堂謝
去羣巫祝勝如幾藥湯起來成獨笑一病攬千忙

白髭行

四十踰四髭始黃手持漢節臨大荒興疾歸來皮骨在
兩髻尚作清絲光俯仰行年四十九萬里南馳復西走
班班頷下點吳霜猶可艾夷誑賓友屈指如今又十年
兩年憊卧秋風前人生血氣能幾許不待覽鏡知皤然
長安後輩輕前輩百方染藥千金賣煩攔色裏夜不眠
無奈露頭出光怪病翁高卧門長扃垂雪髭髭骨更青
兒童不作居士喚喚作堂中老壽星

甲辰除夜吟

一年三百六十日日日三椽卧衰疾傍人揶揄還嘆咨
問我如何度四時我言平生老行李蓐食趑程中夜起
當時想像閉門閒弱水苕苕三萬里如今因病得疎慵
脚底闌山如夢中重簾複幕白晝靜戶外車馬從西東
若問四海何以度念定更無新與故瓶花開落記春冬
窓紙昏明認朝暮行年六十是明朝不暇自憐聊自嘲
婪尾三杯餞一櫟從今身健齒牙牢

元夕二首

藥爐湯鼎煮孤燈
禪版蒲團老病僧
兒女強修元夕供
玉蛾先避雪鬢髥

落梅穠李趁時新
枯木崖邊一任春
尚愛鄉心醒病耳
隔牆時有賣餠人

請息齋書事三首

覆雨翻雲轉手成
紛紛輕薄可憐生
天無寒暑無時令
人不炎涼不世情
栩栩算來俱蝶夢
喈喈能有幾雞鳴
水山側畔紅塵漲
不隔瑤臺月露清

刻木牽絲罷戲場祭終雨後兩相忘門雖有雀尚廷尉
食已無魚休孟嘗蟲裏趨時真是賊虎中宣力任為俚
籬東舍北誰情話雞語鷗盟意却長

聚蚋醯邊鬧似雷乞兒爭背向寒灰長平失勢見何晚
栗里息交歸去來休問江湖魚有味但蘄雲水鶴無媒
巖扉岫幌牢扃鑰不是漁樵不與開

送文季高倅興元

素衣京洛悵成緇青鬢吳江喜未絲燭暗不眠談舊事

酒闌作惡問行期留書情話須親戚風雨殘春更別離
屈指歸來重一笑掃除門巷著旌麾

家人子輩往石湖檢校暮歸

南浦回春棹東城揜暮扉兒修雞柵子女挈菜籃歸風
力雖欺酒花香尚染衣衰翁牢守舍腸斷釣魚磯

次韻龔養正中秋無月三首

詞客幕天清露下老翁卧病破窓中高吟大醉輸公等
不見嫦娥與我同

去年怪雨無端甚，今歲癡雲亦復然。
減却新詩酸却酒，乘除添得一更眠。

丙夜清光些子見，兒童驚喜強雄夸。
闌珊高興應無幾，恰似春殘看落花。

殊不惡齋春晚間吟五絕

西風入簾圖畫響，斜照穿隙網絲明。
簷間雙雀有時闕，壁下一蛩終日鳴。

旁若無人鼠飲硯，麾之不去蠅登盤。
天涼睡起枕痕暖。

日晚慵來香字寒

就食遷居蟻墳壤隨風作舍蛛裊絲百年何處用三窟
萬事信緣安一枝

市聲洶洶鼓摧陣日影駸駸潮漲痕消磨意氣默數息
把玩光陰牢閉門

中秋昨已等閒過重九今還如夢來霜髣數莖羞墮幘
黃花三度笑空杯

丙午新正書懷十首

不用桃符貼畫雞身心安處是天倪行年六十舊歷日
汗脚尺三新杖藜祝我賸周花甲子謝人深勸玉東西
春風若借筋骸便先渡南村學灌畦

瘦骨難勝過節衣日高催起趣農炊病憐榔栗隨身慣
老覺屠蘇到手遲一飽但蘄庚癸諾百年甘守甲辰雌
莫言此外都無事柳眼梅梢正索詩

煮茗燒香了歲時靜中光景笑中嬉身閒一日似兩日
春淺南枝如北枝朝鏡略無功業到午窓惟有睡魔知

年來併束牀頭易一任平章濟叔癡

窮巷閒門本閼然強將爆竹聒階前
人情舊雨非今雨老境增年是減年
口不兩匙休足穀生能幾屐莫言錢
掃除一室空諸有龐老家
人總解禪

吳諺云一口不能著兩匙

厲風翻海雪漫天百計逃寒息萬緣
穩作披爐如卧炕厚裁綿旋勝披氊
尊前見在膏騰醉飯後無何爛漫眠
斟酌出門高興盡從教閒却剡溪船

披燈綿旋皆新得法

俗情如絮已泥沾因病偷閒意屬厭
鵬鷃相安魚可笑

熊魚自古不容兼
灰埋楫杓多時暖
雪壓蔓青滿意甜
溫飽閉門吾事辦
異時書判指如籤

炭熟香濃石鼎煨
人言小閣是春臺
蕉心翠展一冬在
梅蕊粉融連夜開
肅肅九冰妨發育
溫溫三火護恢台
養生此外無遺說
梨棗元須趣暖栽

水芭蕉經冬不瘁

經過掃軌但幽栖
寒穩林深寄一枝
栗里歸來窓下卧
香山老去病中詩
東風馬耳塵勞後
半夜雞聲睡熟時
俛仰平生盡陳迹
恰如膈膊幾枰棋

窓明窓暗篆烟排珍重晨光與夕暉東院齋鐘披被坐
南城嚴鼓岸巾歸幾人霜滑騎朝馬何處燈殘織曉機
懶裏若承三昧力始知忙裏事俱非

叙早眠
早起

殊方節物記吾曾海北天西一瘦藤烏欖雞楨嘗老酒
酥花芋葉試新橙瘴雲度嶺濃如墨邊雪窺窓冷欲冰
閒展兩鄉圖畫看卧遊何必減深燈

此篇記桂林成都
元日勝事欖欖皆

椒盤中物老酒
十數年不壞者

丙午新年六十一歲俗謂之元命作詩自貶

歲復當生次星臨本命辰四人同丙午初度再庚寅長
狄名猶記沙隨會若新童心仍竹馬暮境忽蒲輪鏡裏
全成老尊前略似春三年歸汶上千日卧漳濱剛長交
新泰陰消脫舊屯網蛛縈藥裹實夫吠醫人窓下烏皮
几田間紫領巾鯢淵方止水鯢海任揚塵波匿觀河見
維縻示病身顰端還一笑默識幼中真

文潞公詩云四
人二百四十歲

況是同生丙午
年僕用此事也

春來風雨無一日好晴因賦瓶花二絕

滿插瓶花罷出遊莫將攀折為花愁不知燭照香薰看
何似風吹雨打休

酒冷花寒無好懷柴荆終日為誰開三分春色三分雨
足似東風本不來

春晚即事留游子明王仲顯

繡地紅千點平橋綠一篙棟花來石首穀雨熟櫻桃笑
我生塵甑慙君有意袍故人能少駐門徑久蓬蒿

梅雨五絕

卷六十三
梅雨暫收斜照明明年無此一日晴忽思城東黃篴舫
卧聽打鼓踏車聲

已酉甲申雷雨驚乘除却賀芒種晴插秧先插早秈稻

小忍數旬蒸米成

甲申已酉
雨則大水

風聲不多雨聲多
洶洶曉衾聞浪波
恰似秋眠隱靜寺
玉霄泉從床下過

千山雲深甲子雨
十日地濕東南風
靜裏壺天人不到
火輪飛出默存中

雨霽雲閒池面光
三年魚苗如許長
小荷拳拳可色鮮
晚日照盤風露香

次韻李永見訪二首

混俗休超俗
居家似出家
有為皆影事
無念即生涯
莫覓安心法
翻成捏目花
作糜須穀粟
十劫漫炊砂
有意能停棹
多情易憶家
清詩穿月脇
遠夢繞天涯
雨蝶衣濡粉
秋蚊喙吐花
新涼宜小駐
談笑有丹砂

自詠瘦悴

皮下無多肉老來瘦不禁骨稜春焙鎔筋蹙海山沈蟻
蟲從何有蚊蠅枉見侵惟餘老筇杖相伴兩虛心

四時田園雜興六十首

并引

淳熙丙午沉疴少紓復至石湖舊隱野外即事輒書
一絕終歲得六十首號四時田園雜興

柳花深巷午雞聲桑葉尖新綠未成坐睡覺來無一事
滿窓晴日看蠶生

土膏欲動雨頻催萬草千花一餉開舍後荒畦猶綠秀

隣家鞭筍過牆來

高田二麥接山青
傍水低田綠未耕
桃杏滿村春似錦
踏歌椎鼓過清明

老盆新熟杜茅柴
攜向田頭祭社來
巫媪莫嫌滋味薄
旗亭官酒更多灰

社下燒錢鼓似雷
日斜扶得醉翁回
青枝滿地花狼籍
知是兒孫鬪草來

騎吹東西里巷喧
行春車馬鬧如煙
繫牛莫礙門前路

移繫門西碌碡邊

寒食花枝插滿頭
倩裙青袂幾扁舟
一年一度游山寺
不上靈巖即虎丘

郭裏人家拜掃回
新開醪酒薦青梅
日長路好城門近
借我茅亭暖一杯

步屨尋春有好懷
雨餘蹄道水如杯
隨人黃犬攬前去
走到溪橋忽自迴

種園得果厓償勞
不奈兒童鳥雀搔
已挿棘針樊筍徑

更鋪漁網蓋櫻桃

吉日初開種稻色南山雷動雨連宵今年不欠秧田水
新漲看看拍小橋

桑下春蔬綠滿畦松心青嫩芥臺肥溪頭洗擇店頭賣
日暮裹鹽沽酒歸

右春日田園雜興十二絕

紫青萼葉卷荷香玉雪芹芽拔薤長自擷溪毛充晚供
短篷風雨宿橫塘

湖蓮舊蕩藕新翻小小荷錢沒漲痕斟酌梅天風浪緊
更從新水種蘆根

蝴蝶雙雙入菜花日長無客到田家雞飛過籬犬吠
知有行商來賣菜

湔裙水滿菜蘋洲上已微寒嬾出游薄暮蛙聲連曉
今年田稻十分秋

上已蛙
鳴無水

新綠園林曉氣涼晨炊早出看移秧百花飄盡桑麻小
夾路風來阿魏香

三旬蠶忌閉門中鄰曲都無步往蹤猶是曉晴風露下
采桑時節暫相逢

汗萊一稜水周圍歲歲蝸廬沒半扉不省菱青難護岨
小舟撐取葑田歸

茅針香軟漸包茸蓬櫺甘酸半染紅采采歸來兒女笑
杖頭高挂小筠籠

穀雨如絲復似塵煮瓶浮蠟正嘗新牡丹破萼櫻桃熟
未許飛花減却春

雨後山家起較遲
天窓新色半熹微
老翁歌枕聽鶯囀
童子開門放燕飛

海雨江風浪作堆
時新魚菜逐春回
荻芽抽筍河魴上
棟子開花石首來

烏鳥投林過客稀
前山煙暝到柴扉
小童一棹舟如葉
獨自編欄鴨陣歸

右晚春田園雜興十二絕

梅子金黃杏子肥
麥花雪白菜花稀
日長籬落無人過

惟有蜻蜓蛺蝶飛

五月吳江麥秀寒移秧披絮尚衣單
稻根科斗行如塊
田水今年一尺寬

二麥俱收斗百錢
田家喚作小豐年
餅爐飯甑無飢色
接到西風熟稻天

百沸綠湯雪湧波
綠車嘈噴雨鳴蓑
桑枯盆手交相賀
綿繭無多線繭多

小婦連宵上絹機
大耋催稅急于飛
今年幸甚蠶桑熟

卷六十三
留得黃絲織夏衣

下田戽水出江流高壠翻江逆上溝地勢不齊人力盡
丁男長在踏車頭

晝出耘田夜績麻村莊兒女各當家兒童未解供耕織
也傍桑陰學種瓜

槐葉初勻日氣涼
蔥蔥鼠耳翠成雙
三公只得三株看
閒客清陰滿北窓

黃塵行客汗如漿
少住儂家嗽井香
借與門前盤石坐

柳陰亭午正風涼

千頃芙蕖放棹嬉
花深迷路晚忘歸
家人暗識船行處
時有驚忙小鴨飛

采菱辛苦廢犁鉏
血指流丹鬼臂枯
無力買田聊種水
近來湖面亦收租

蜩螗千萬沸斜陽
蛙黾無邊聒夜長
不把癡聾相對治
夢魂爭得到藜牀

右夏日田園雜興十二絕

全宋文卷六十三
杞菊垂珠滴露紅
雨蛭相應語莎叢
蟲絲罥盡黃葵葉
寂歷高花側晚風

朱門乞巧沸歡聲
田舍黃昏靜掩扃
男解牽牛女能織
不須邀福渡河星

橘蠹如蠶入化機
枝間垂繭似蓑衣
忽然蛻作多花蝶
翅粉纔乾便學飛

靜看簷蛛結網低
無端妨礙小蟲飛
蜻蜓倒挂蜂兒窘
催喚山童為解圍

垂成穡事苦艱難
忌雨嫌風更怯寒
戕訖天公休掠剽
半償私債半輸官

秋來只怕雨垂垂
甲子無雲萬事宜
穫稻畢工隨曬穀
直須晴到入倉時

中秋晴景屬潛夫
棹入空明看太湖
身外水天銀一色
城中有此月明無

新築場泥鏡面平
家家打稻趁霜晴
笑歌聲裏輕雷動
一夜連枷響到明

租船滿載候開倉粒粒如珠白似霜不惜兩鍾輸一斛
尚贏糠覈飽兒郎

菽粟瓶罌貯滿家天教將醉作生涯不知新滴堪觴未
今歲重陽有菊花

細擣根釐有鱸魚西風吹上四腮鱸雪鬆酥膩千絲縷
除却松江到處無

新霜徹曉報秋深染盡青林作緜林惟有橘園風景異
碧叢叢裏萬黃金

右秋日田園雜興十二絕

斜日低山片月高
睡餘行藥繞江郊
霜風掃盡千林葉
閒倚筇枝數鶴巢

炙背簷前日似烘
暖醺醺後困蒙蒙
過門走馬何官職
側帽籠鞭戰北風

屋上添高一把茅
蜜泥房壁似僧寮
從教屋外陰風吼
卧聽籬頭響玉簫

松節燃膏當燭籠
凝烟如墨暗房櫳
曉來拭淨南窓紙

便覺斜陽一倍紅

乾高寅缺築牛宮
卮酒豚蹄酹土公
牯犝無瘟犢兒長
明年漆種越城東

放船開看雪山晴
風定奇寒晚更凝
坐聽一篙珠玉碎
不知湖面已成冰

撥雪挑來踏地菰
味如蜜藕更肥醲
朱門肉食無風味
只作尋常菜把供

楫棹無煙雪夜長
地爐煨酒暖如湯
莫嗔老婦無盤飣

笑指灰中芋栗香

煮酒春前臘後蒸一年長響甕頭清塵居何似山居樂
秫米新來禁入城

黃紙蠲租白紙催皂衣旁午下鄉來長官頭腦冬烘甚
乞汝青銅買酒迴

探梅公子款柴門枝北枝南總未春忽見小桃紅似錦
卻疑儂似武陵人

村巷冬年見俗情鄰翁講禮拜柴荆長衫布縷如霜雪

云是家機自織成

右冬日田園雜興十二絕

自晨至午起居飲食皆以牆外人物之聲為節戲

書四絕

巷南敲板報殘更街北彈絲行誦經已被兩人驚夢斷
誰家風鶴關鳴鈴

菜市喧時窓透明餅師叫後藥煎成閒居日出都無事
惟有開門掃地聲

北岩教回搥鼓遠東禪飯熟打鐘頻小童三喚先生起
日滿東窓暖似春

起傍東窓手把書華顛種種不經梳朝餐欲倒須巾裹
已有重來晚市魚

閩門初泛二十四韻

新修小舫因病襁被屯滯遂至北城迤邐到楓橋一
路而還

好在馳煙路平生載酒行摧藏身久病契闊歲頻更昨

夜燈花曉今朝稻把晴出門新夢境獨目舊詩情水遠
推蓬眩天寬倚施驚轉灣添絳挽罨岍併篙撐舫後裝
兒女驢前酌弟兄醅香新麴嫩茗味小春輕紅皺分霜
果黃薦撚夕英纈林疎露屋朱閣靜臨桺桃塢論今昔
楓橋管送迎山腰樵擔動本末酒旗明竟日窑煙直中
流塔影橫數帆殘照滿一笛暮江平曬網楓邊桁牽罾
柳際棚岫雲縈石住田水穴堤鳴過渡牛歸速穿籬犬
吠獐魚寒猶作陣雁遠更聞聲急櫓潮痕出疎鐘暝色

生鄰翁欣問訊逋客愧寒盟一昨成歸卧于今負耦耕
生涯都塌颯心曲漫崢嶸猿鶴休多怨菰蓴尚可羹藥
囊吾厭苦扶憊且班荆

重陽後菊花二首

寂寞東籬濕露華依前金鑷照泥沙世情兒女無高韻
只看重陽一日花

過了登高菊尚新酒徒詩客斷知聞恰如退士垂車後
勢利交親不到門

丁未春日瓶中梅殊未開二首

暖閣無人到寒枝為我橫
情鍾吹葉破靜極覺香生
老去魂休斷春來眼且明
逃禪時索笑百匝傍窓行

夜雪臘前凍朝陽春後蘇
人憐疎葉瘦花笑病翁臞
露白能多少尋春似有無
詩催全不力煮水換銅壺

題夫差廟

縱敵稽山禍已胎
垂涎上國更荒哉
不知養虎自遺患
只道求魚無後灾
夢見梧桐生後圃
眼睜麋鹿上高臺

千齡只有忠臣恨
化作濤江雪浪堆

翻韞菴夜坐聞雨

閉門冷落靜無譁
小閣簾幃密自遮
日晚課程丹竈火
夜深光景佛燈花
人生寧有病連歲
身世略如僧在家
步屨尋春非老伴
任教風雨喚雷車

睡起

憨憨與世共兒嬉
兀兀從人笑我癡
閒裏事忙晴晷藥
靜中機動夜爭棋
心情書卷無佳句
時節梅花有好枝

熟睡覺來何所欠
蠶根香軟飯流匙

賞海棠二絕

芳春隨分到貧家
兒女多情惜歲華
聊為海棠修故事
去年燈燭去年花

憶向宣華夜倚欄
花光妍暖月光寒
如今塌颯嫌風露
且只銅瓶滿挿看

午窓遣興家人謀過石湖

雲日初收破柱雷
小窓坐穩興悠哉
熏爐花氣朝醒解

茶鼎松風午夢迴
謝客門闌風動竹
惜春時節雨肥梅
畫船破浪亦一快
聞道湖光如撥醅

將至石湖道中書事

水綠鷗邊漲天青雁外晴
柳堤隨草遠麥壟帶桑平
白道吳新郭蒼烟越故城
稍聞雞犬鬧僮僕想來迎

三月十六日石湖書事三首

春事日以闌暑陰正清
美拖筇入林下秀綠照衣袂
盧橘梅子黃櫻桃桑椹紫
荷依浪花顛筍破苔色起
風日

收宿陰物色有新意鄰曲知我歸爭來問何似病腦今
有無加飯日能幾掀髯謝父老衰雪已如此

種木二十年手開南野荒冉冉新歲月依舊林塘汙
萊擅下濕苓蔚驕衆芳菱母尚能瘦竹孫如許長憶初
學圃時刀笠冒風霜今茲百不堪裏帽人扶將龍鍾數
能來猶勝兩相忘

湖光明可鑒山色淨如沐閒心愜舊觀愁眼快奇矚依
然北窓下凝塵滿香簾訪我烏皮兒拂我青氍毹荒哉

賦遠游幸甚遂初服老紅餞餘春衆綠自幽馥好風吹
晚晴斜照入疎竹兀坐胎息勻不覺清夢熟

送遂寧何道士自潭湘歸蜀

書劔飄然席未溫火雲撲地暑煙昏山黃水濁湖南路
竹月荷風憶范村

再遊天平有懷舊事且得卓菴之處呈壽老

訪舊光陰二十年殘僧相對兩依然木蘭已老無花發
石竹依前有麝眠萬戶直須龜手藥一龕何用買山錢

從今半座須分我共說昏昏一覺禪

晚登木瀆小樓

萬象當樓繡繡張欄干一士立蒼茫雲堆不動山深碧
星出無多月淡黃宿鳥盡時猶數點歸鴻驚處更斜行
松陵政有鱸魚上安得長竿坐釣航

題米元暉吳興山水橫卷

道場山麓接何山影落苕溪浸碧瀾只欠荷花三十里
楓頭船上把漁竿

素羹

檀芋凝酥敵少城土諧割玉勝南京合和二物歸藜糝
新法儂家骨董羹

除夜地爐書事

節物閒門裏人情老境中雁聲凌急雨燈影戰斜風糟
醕新醕白紫錐軟火紅家人愜夜話我已困蒙茸

浮醕謂之椒醕

次韻虞子建見咍贖帶作醕

齋祠難著野衣冠旋贖金章始見閒台架塵侵毳路暗

花書墨漬笏頭斑當年駙騎傳呼賜此日村童拂拭還
若比前廳荒驛舍見存猶可一開顏

兒女傳觀省見稀病身聊復借光輝莫嫌憔悴沈腰瘦
且喜間闌秦壁歸不是典來還酒債亦非將去換蓑衣
塵魚甌釜時相阨微汝誰能為解圍

顏橋道中

村村籬落總新修處處田疇盡有秋一段農家好風景
稻堆高出屋山頭

書事三絕

爨婢請淘酒米園丁催算花錢如許日生公子誰云窮
巷蕭然

日日處方候脈時時推筴禳灾門外誰無車轍醫生卜
叟猶來

簡子約同湖棹周郎許過田廬碧雲日暮空合多病故
人遂疎

親鄰招集強徃便歸

樂天漸老欲謀歡大似蒸砂不作團已覺笙歌無暖熱
仍嫌風月太清寒氣衰況復三而作心賞猶于四者難
却恐人嫌情太薄聊將花作霧中看

雪意方濃復作雨

擬看飛花陣翻成建水聲雨吾寧不識雪汝幾時成三
白從今卜千倉待此盈黃雲如有意青女莫無情

春朝早起

莫笑眠常早還憐起不遲穠香溫夜氣小雨濕春衣瘦

比中年甚寒惟病骨知美渠兒女健繞屋探南枝

詠懷自嘲

簷溜春猶凍閒扉晚未開退門驚客至衰懶怕書來
日教澆竹朝朝遣探梅園丁應竊笑猶自說心灰

早衰

早衰頭腦已冬烘信拙心情似苦空僚舊姓名多健志
家人長短總佯聾一窓暖日棋聲裏四壁寒燈藥氣中
晚景只消如此過不堪拈出教兒童

習聞

習閒成懶懶成癡六用都藏縮似龜雪已許多猶不飲
梅今如此尚無詩閒看猫暖眠氈褥靜聽鴝寒叫竹籬
寂寞無人同此意時時惟有睡魔知

陰寒終日兀坐

東風微解綴簷水仍喜朝來井水清臘淺得春全未暖
雪慳和雨最難晴小窓日暖猶棋局窮巷更深尚屐聲
莫把摧頽嫌暮景且將閒散替勞生

親戚小集

避濕違寒不出門一冬未省正冠巾月從雪後皆奇夜
天向梅邊有別春秉燭登臨皆話舊擁爐情味莫懷新
榮華勢利輸人慣贏得尊前現在身

睡覺

尋思斷夢半惺騰漸見天窓紙瓦明宿鳥噪羣穿竹去
縣前猶自打殘更

臘月村田樂府十首

并引

余歸石湖往來田家得歲暮十事採其語各賦一詩
以識土風號村田樂府其一冬春行臘日舂米為一
歲計多聚杵臼盡臘中畢事歲之土瓦倉中經年不
壞謂之冬舂米其二燈市行風俗尤競上元一月前
已賣燈謂之燈市價貴者數人聚博勝則得之喧盛
不減燈市其三祭竈祠臘月二十四夜祀竈其說謂
竈神異日朝天白一歲事故前期禱之其四口數粥
行二十五日煮赤豆作糜暮夜闔家同饗云能解瘟

氣雖遠出未歸者亦留貯口分至襁褓小兒及僮僕
皆預故名口數粥豆粥本正月望日祭門故事流傳
為此其五爆竹行此它郡所同而吳中特盛惡鬼蓋
畏此聲古以歲朝而吳以二十五夜其六燒火盆行
爆竹之夕人家各又于門首燃薪滿盆無貧富皆爾
謂之相暖熱其七照田蠶詞與燒火盆同日村落則
以禿帚若麻蔗竹枝輩燃火炬縛長竿之杪以照田
爛然徧野以祈絲穀其八分歲詞除夜祭其先竣事

長幼聚飲祝頌而散謂之分歲其九賣癡獸詞分歲
罷小兒繞街呼叫云賣汝癡賣汝獸世傳吳人多獸
故兒輩諱之欲賈其餘益可笑其十打灰堆詞除夜
將曉雞且鳴婢獲持杖擊糞壤致詞以祈利市謂之
打灰堆此本彭蠡清洪君廟中打如願故事惟吳下
至今不廢云

冬春行

臘中儲書百事利第一先春年計來羣呼步碓滿門庭

運忤成風雷動地節勾箕健無粃糠百斛只費三日忙
齊頭圓潔箭子長隔羅輝日雪生光土倉瓦龕分葢藏
不蠹不腐常新香去年薄收飯不足今年頓頓炊白玉
春耕有種夏有糧接到明年秋刈熟鄰叟來觀還歎嗟
貧人一飯不可賒官租私債紛如麻有米冬春能幾家

燈市行

吳臺今古繁華地偏愛元宵影燈戲春前臘後天好晴
已向街頭作燈市疊玉千絲類鬼工剪羅萬眼人力窮

兩品爭先最先出不待三五迎東風兒童種麥荷鋤倦
偷閒也向城中看酒壚博塞雜歌呼夜夜長如正月半
灾傷不及什之三歲寒民氣如春酣儂家亦幸荒年少
始覺城中燈市好

祭竈詞

古傳臘月二十四竈君朝天欲言事雲車風馬少留連
家有杯盤豐典祀猪首爛熟雙魚鮮豆砂甘鬆粉餅圓
男兒酌獻女兒避酹酒燒錢竈君喜婢子鬪爭君莫聞

貓狗觸穢君莫嗔送君醉飽歸天門杓長杓短勿復云
乞取利市歸來分

口數粥行

家家臘月二十五浙米如珠和豆煮大杓撩鐺分口數
疫鬼聞香走無處鍤薑屑桂澆蔗糖滑甘無比勝黃梁
全家團藥罷晚飯在遠行人亦留分襁中孩子強教嘗
餘波溥霑獲與臧新元叶氣調玉燭天行已過來萬福
物無疵厲年穀熟長向臘殘分豆粥

爆竹行

歲朝爆竹傳自昔吳儂政用前五日食殘豆粥掃罷塵
截筒五尺煨以薪節間汗流火力透健僕取將仍疾走
兒童却立避其鋒當堦擊地雷霆吼一聲兩聲百鬼驚
三聲四聲鬼巢傾十聲連百神道寧八方上下皆和平
卻拾隳頭疊牀底猶有餘威可驅厲屏除藥物添酒杯
盡日嬉游夜濃睡

燒火盆行

春前五日初更後排門然火如晴晝大家薪乾勝豆煎
小家帶葉燒生柴青烟滿城天半白棲鳥驚飛啼格磔
兒孫圍坐雞犬忙鄰曲歡笑遙相望黃宮氣應纔兩月
歲陰猶嬌風慄烈將迎陽令作好春政要火盆生暖熟

照田蠶行

鄉村臘月二十五長竿然炬照南畝近似雲開森列星
遠如風起飄流螢今春雨電繭絲少秋日雷鳴稻堆小
農家今夜火最明的知新歲田蠶好夜闌風焰西復東

此占最吉餘難同不惟桑賤穀芄芄仍更苧麻無節菜
無蟲

分歲詞

質明奉祠今古同吳儂用昏蓋土風禮成廢徹夜未艾
飲福之餘即分歲地爐火軟蒼朮香飭盤果餌如蜂房
就中脆餠專節物四坐齒頰鏘冰霜小兒但喜新年至
頭角長成添意氣老翁把杯心茫然增年及爾減吾年
荆釵勸酒仍祝願願翁尊前且強健君看今歲舊交親

大有人無此杯分老翁飲罷笑撚鬚明朝重來醉屠蘇

賣癡貳詞

除夕更闌人不寐厭禳滯鈍迎新歲小兒呼呌走長街
云有癡貳召人買二物于人誰獨無就中吳儂乃有餘
巷南巷北賣不得相逢大笑相揶揄櫟翁塊坐重簾下
獨要買漆令問價兒云翁買不須錢奉賒癡貳千百年
打灰堆詞

除夜將闌曉星爛糞掃堆頭打如願杖敲灰起飛撲籬

不嫌灰浣新節衣老媪當前再三祝只要我家長富足
輕舟出商重船歸大牯引犢雞哺兒野繭可繅麥兩岐
短衲換却長衫衣當年婢子挽不住有耳猶能聞我語
但如我願不汝呼一任汝歸彭蠡湖

讀白傳洛中老病後詩戲書

樂天號達道晚境猶作惡陶寫賴歌酒意象頗沈著謂
言老將至不飲何時樂未能忘暖熱要是怕冷落我老
乃多戒頗似僧律縛閒心灰不然壯氣鼓難作豈惟背

聲塵亦自屏杯酌日課數行書生經一囊藥若使白公
見應譏太蕭索當否竟何如我友試商略

淨慈顯老為衆行化且示余所寫真戲題五絕就

作畫贊

孤雲野鶴本無求剛被差充粥飯頭擔負一簔牙齒債
鐘鳴鼓響幾時休

冒雪敲冰乞米迴齋堂如海鉢單開衆中若有知恩者
一粒何曾敲破來

千里驅馳出為人
顏容消瘦老于真
食輪轉後無餘事
莫學諸方轉法輪

何時平地起浮圖
化得冬糧但付厨
推倒禪牀并拄杖
飢來喫飯看西湖

殿中泥佛已丹青
堂上禪師也畫成
笑我形骸枯木樣
無禪無佛太粗生

喜叔知舊書復畏答書二絕

故人寥落似晨星
珍重書來問死生
筆意不知當日健

鬢邊應也雪千莖

強裁尺素答相思
兩日眵昏腕力疲
牽率老夫今至此
門前猶說報書遲

重陽不見菊

冷葉蕭疎蝶懶飛
商量何日是花時
重陽過後開無害
只恐先生不賦詩

謝江東漕楊廷秀秘監送江東集並索近詩二首

遠道悠悠日暮雲
愁眉今夕為君軒
殘燈獨照江東集

短夢相尋白下門
即事想多梅蕊句
有誰堪共桂花尊
斯文賴有斯人在
會合何時得細論

禿翁衰雪涕垂頤
髣髴三生懶散師
泖髓淪膚都是病
傾困倒廩更無詩
笑看筆格網絲徧
閒數窓櫺花影移
事業光陰今若此
故人休說舊襟期

范村雪後

習氣猶餘燼鍾情未濕灰
忍寒貪看雪諱老強尋梅
慰貼愁眉展勾般笑口開
直疑身健在時有句飛來

屢居久不見山或勸作小樓以助登覽又力不能
辦今年益衰此興亦闌矣

結廬占城市初起卜云吉謁醫并治庖二事便衰疾乘
除徐自笑翻覺此計失經年不見山無異處暗室平生
痼煙霞歲晚成俗物安得百尺樓屋上高突兀列岫擁
青來爽氣助佔畢嘗試與匠謀工費蝟毛出俸餘強弩
末家事空囊溢經營十年餘高興竟蕭瑟人生不如意
十年常六七身今況遲暮長算屈短日縱成此段奇髮

白何由漆且學商山翁
夢跼蟄霜橘

新歲書懷

門閒知閒好
寤晴與睡宜
歲華書戶筆
年例探梅詩
看長棋三著
量添飯兩匙
豁除身外事
未是苦衰遲

閏月四日石湖衆芳爛漫

北垞南岡總是家
兒童隨逐任驅譁
閒嘗臘尾蒸來酒
點數春頭接過花
盡把園林蒙錦綉
多添門戶鎖煙霞
杖藜想被東風笑
扶却衰翁管物華

檢校石湖新田

今朝南野試開荒
分手耘鋤草棘場
下地若干全種秫
高原無幾漫栽桑
蘆芽碧處重增岍
梅子黃時早濬塘
田里只知溫飽事
從今拌却半年忙

連夕大風凌寒梅已零落殆盡三絕

枝南枝北玉初勻
半夜顛風捲作塵
春夢都無三日好
一冬忙殺探梅人

玉雪飄零賤似泥
惜花還記賞花時
賞花不許輕攀折

只許家人戴一枝

花開長恐賞花遲
花落何曾報我知
人自多情春不管
強顏猶作送春詩

夢覺作

年增氣血減藥密
飲食稀氣象不堪說
頭顱從可知忽作
少年夢嬌癡逐兒
嬉覺來一惘然形骸乃爾衰
夢中觀河見只似三歲時
方悟夢良是却疑夢為非

宋詩鈔卷六十三